

# **REFERAT SAA- Sanarfinermut Avatangiisinullu Ataatsimiititaq d. 03-05-2021**

**Mødedato** Mandag d. 03. maj 2021 kl. 20:00

**Mødested** Kommunalbestyrelsep ataatsimiittarfia

## Indholdsfortegnelse

Saqqaa.....	3
Oqaluuserisassat akuerinerat.....	4
Sanarfinermut Avatangiisinullu Ataatsimiititami siulittaasumik siulittaasullu tullianik qinersineq.....	5
Sanarfinermut Avatangiisinullu Ataatsimiititap suleriaasissaa.....	8
2021-mi politikikkut ataatsimiiffissat.....	11
Imaqarniliap akuerineqarnera.....	13

## **Punkt .: Saqqaa**

**Ilaasortat:**

### **Beslutning**

Ilaasortat:

Justus Hansen (D)

Uju Petersen (IA)

Naya-Sophia Lyberth (IA)

Lone Rosengreen Pedersen (IA)

Peter Davidsen (S)

## **Punkt .: Oqaluserisassat akuerinerat**

### **Beslutning**

Oqaluserisassat akuersissutigineqarput.

## **Punkt 1: Sanarfinermut Avatangiisinullu Ataatsimiititami siulittaasumik siulittaasullu tullianik qinersineq**

### **Beslutning**

Justus Hansen (D) siulittaasutut toqqarneqarpoq. Siumup tusaatissatut tiguaa.

Uju Petersen (IA) siulittaasut tulliatut toqqarneqarpoq. Siumup tusaatissatut tiguaa.

## **Sanarfinermut Avatangiisinullu Ataatsimiititami siulittaasumik siulittaasullu tullianik qinersineq**

Aalajangiiffigisassaq

Suliap ilisarnaataa: EMN-2021-11031

Suliffeqarfimmut Kiffartuussivik - Kommunaldirektøriugallartoq Marie Fleischer / MAFL

### **Inassuteqaat**

Suliffeqarfimmi Kiffartuussiviup Sanarfinermut Avatangiisinullu Ataatsimiititami inassuteqaatigaa:

- ataatsimiititaq siulittaasumik qinersissasoq
- ataatsimiititaq siulittaasup tullianik toqqaassasoq

### **Suliassamik saqqummiussineq**

Kommunit aqunneqarnerat pillugu Inatsisartut inatsisaat nr. 29, 17. november 2017-meersumi § 27 naapertorlugu, ataatsimiititap ataavartup Kommunalbestyrelsimit ivertinneqartup siulittaasussani nammineq qinissavaa. Siulittaasup ataatsimiinnissat piareersassavai, ataatsimiigiaqqusissaaq ataatsimiinnerillu aqussallugit kiisalu aalajangiinerit imaqarniliamut allanneqarnissaat qulakkiissallugu.

Sanarfinermut Avatangiisinullu Ataatsimiititami suleriesissami § 2 naapertorlugu ataatsimiititaq aamma siulittaasup tullianik qinersisinnaavoq. Siulittaasup tullia siulittaasup peqannginnerani siulittaasuugallassaaq.

Siulittaasup ataatsimiititaq sinnerlugu suliassat kinguartinneqarsinnaanngitsut imaluunniit nalornisoorutaasinnaanngitsut aalajangiivigisinnaavai. Suliassani inatsisiliornikkut ataatsimiititaliamut suliassanngortitaasimannngitsuni kinguartinneqarsinnaanngitsunili ataatsimiititaliami siulittaasup aalajangiitinnani borgmesteri ilisimatittassavaa, tamannali atuutinngilaq suliassani ataatsimiititaliamut suliassanngortinneqarsimasuni, tak. aqutsinermut inatsimmi § 27, imm. 2.

Ataatsimiititami ataavartumi ilaasorta qinaluunniit siulittaasup atuuffianut tunngasumik sumilluunniit apeqquteqarsinnaavoq, siulittaasorlu ataatsimiititap ataavartup piumasaqaataanut tunngasumik paasissutissiissaaq. Siulittaasooq sutigut tamatigut ataatsimiititap aalajangiinerinut maleruuttussaavoq.

Sanarfinermut Avatangiisinullu Ataatsimiititap suliassai aqutsinermut ileqqoreqqusami aalajangersagaapput.

Ataatsimiititap ataavartunut ilaasortanik toqqaaneq Kommunalbestyrelsip piffissami atuunneranut sunnuteqassaaq.

Siulittaasumik siulittaasullu tullianik toqqaaneqartut kommunip nittartagaani saqqummiunneqassapput.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitalit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Kommunalbestyrelsimut Aqutsinermut Ileqqoreqqusaq
- Sanarfinermut Avatangiisinullu Ataatsimiititap nakkutilliisuuffigisassai

**Ilanngussat**  
Soqanngilaq.

## **Punkt 2: Sanarfinermut Avatangiisinullu Ataatsimiititap suleriaasissaa**

### **Beslutning**

Inassuteqaat akuersissutigineqarpoq.

### **Bilag**

Sanarfinermut Avatangiisinullu Ataatsimiititap suleriaasissaanut siunnersuut siulleq

## **Sanarfinermut Avatangiisinullu Ataatsimiititap suleriaasissaa**

Aalajangiiffigisassaq

Suliap ilisarnaataa: EMN-2021-11031

Suliffeqarfimmut Kiffartuussivik - Kommunaldirektøriugallartoq Marie Fleischer / MAFL

### **Inassuteqaat**

Suliffeqarfimmi Kiffartuussiviup Sanarfinermut Avatangiisinullu Ataatsimiititamut inassuteqaatigaa:

- suleriaasissaq akuersissutigineqassasoq

### **Suliassamik saqqummiussineq**

Kommunit aqunneqarnerat pillugu inatsit nr. 29, 17. november 2017-imeersumi § 28 imm. 2 naapertorlugu, tulliuuttuni aqutsinermut inatsimmi taaneqartumi, ataatsimiititaliat ataavartut sulinerminni suleriaasissatut maleruagassartik namminneq aalajangersartarpaat:

Suliffeqarfimmi Kiffartuussivimmit matumuuna Sanarfinermut Avatangiisinullu Ataatsimiititap suleriaasissaatut siunnersuut saqqummiunneqarpoq. Suleriaasissatut siunnersuut aqutsinermut inatsit kiisalu Kommuneqarfik Sermersuumut aqutsinermut ileqqoreqqusaq naapertorlugit suliarineqarpoq.

Sanarfinermut Avatangiisinullu Ataatsimiititap suleriaasissaata ataatsimiititami ataatsimiititaq qanoq ataatsimiittassanersoq aalajangersassavaa imalu imaqaassalluni:

- Ataatsimiititap sulinera
- Ataatsimiititap siulittaasua aamma siulittaasuata tullia.
- Ataatsimiititaliap ataatsimiittarnissai
- Oqaluuserisassat suliallu saqqummiunneqarneri.
- Aalajangiisinnaatitaaneq, ataatsimiinnermik aqutsineq suliallu saqqummiunneqartarneri.
- Aalajangernerit pillugit imaqarniliaq
- Nipangiussisussaataaneq
- Ataatsimiititap aalajangernerinik suliaqarneq piginnaatitaaffinnillu agguaassineq
- Suleriaasissami allanguutit
- Atuutilersitsineq

Sanarfinermut Avatangiisinullu Ataatsimiititap suleriaasissani akuersissutigippagu, 3 maaji 2021-mi atulersinneqassaaq.

Suleriaasissaq akuersissutigineqariapat atsiorneqarlunilu, Naalakkersuisunut nassiunneqassaaq, aqutsineq pillugu inatsimmi § 1, imm. 4 naapertorlugu.

### **Ingerlatsiviup aningaasaqarnikkut nukissatigullu naliliinera**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitalit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersaq

## **Ilangussat**

1. Sanarfinermut Avatangiisinullu Ataatsimiititap suleriaasissaanut siunnersuut siulleq

## **Punkt 3: 2021-mi politikkikkut ataatsimiiffissat**

### **Beslutning**

Inassuteqaat akuersissutigineqarpoq, ima oqaaseqaatitalerluni: ataatsimiiffissat nikerarsinnaanerat ammaffigineqarpoq.

### **Bilag**

2021-mi politikkikkut ataatsimiiffissatut siunnersuut siullesq

## 2021-mi politikkikkut ataatsimiiffissat

Aalajangiiffigisassaq

Suliap ilisarnaataa: EMN - 2021 - 11031

Suliffeqarfimmut Kiffartuussivik - Kommunaldirektøriugallartoq Marie Fleischer / MAFL

### Inassuteqaat

Suliffeqarfimmi Kiffartuussiviup Sanarfinermut Avatangiisinullu Ataatsimiititami inassuteqaatiga:

- Ataatsimiititap 2021-mi ataatsimiiffissai akuerineqassasut

### Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquummik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqarnissaannut kommunalbestyrelse pisussaavoq.

*Imm. 2.* Ukiuni kommunalbestyrelsimut nutaamik qinersiffiusussani ileqquummik ataatsimiinnissat ullussaat aalajangersarneqartassapput taamaallaat qaammatip kommunalbestyrelsip atuuttup tunuarfissaata naaneranut. Kommunalbestyrelsip qinigaarlaap inissitsiterluni ataatsimiinnermini ukiup sinnerani ileqquummik ataatsimiittarnissat ullussaat aalajangersassavai".

2021-mi politikkikkut ataatsimiiffissat 2021-mi maaji aallarnerfigalugu ukiup sinneranut atuupput.

Sanarfinermut Avatangiisinullu Ataatsimiititami ataatsimiittarnerit ataasinngornikkut nal. 14.00, maajimi ataatsimiinnissaq sisamanngornermi nal. 14 ingerlanneqartussaq minillugu, ingerlanneqartassasut. 2021-p sinnerani ataatsimiititaq arfinilerarluni ileqquummik ataatsimiissaaq.

Politikkikkut ataatsimiiffissat taamatullu ataatsimiinnerni oqaluuserisassat imaqarniallu kommunip nittartagaanut tamanut saqqummiunneqassapput. Politikkikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2021-mi politikkikkut ataatsimiiffissat Naalakkersuisunut nassiunneqassapput.

### Ingerlatsiviup aningaasaqarnikkut sulisoqarnikkullu naliliinera

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

### Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimmulli Kiffartuussivik ullut ataatsimiiffissat aalajangersarniarneqarneranni peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

### Inatsisitigut tunngavissaq allakkallu tunngaviusumik uppersaatitallit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

### Ilanngussat

1. 2021-mi politikkikkut ataatsimiiffissatut siunnersuut siulleq

## **Punkt .: Imaqarniliap akuerineqarnera**

### **Beslutning**

Sanarfinermut Avatangiisinullu Ataatsimiititap ataatsimiinnissaat siulleq pissaaq marlunngorneq 11. maaji nal. 15.

Uju Petersen (IA) ataatsimiinneq ingerlakkumaarpaa. Justus Hansen (D) oqarasuaatikkut peqataassaaq.

Imaqarniliaq akuersissutigineqarpoq al. 15.55.